



Dyrkolbotn Fjellstove og Leirskole

Referanser:

Dykkar:

Vår: 15/3856 - 18/2665

Saksbehandlar:

Irene Wilhelmsen

Irene.Wilhelmsen@lindas.kommune.no

Dato:

30.01.2018

Endra vedtak som følgje av klage - gjeldande endra avkjøringsløyve frå gbnr 247/10 til eksisterande avkjørsle på gbnr 247/15 Dyrkolbotn

Viser til endringsmelding med ynskje om endra vegtilkomst som vart sendt Lindås kommune 14.09.2017. Løyve til utvida bruk på vilkår vart sendt ut 07.11.2017. Vilkåra vart påklaga den 30.11.2017, då fleire av vilkåra ikkje lot seg gjennomføre i praksis. Det vart avtala synfaring med tiltakshavar, denne vart utført den 12.12.2017.

På bakgrunn av innsendt klage og synfaring på staden, har vegavdelinga gjort ei ny vurdering i saka og tek klagen til følgje. Med heimel i forvaltningslova § 33 2. ledd vert Lindås kommune sitt vedtak datert 07.11.2017 endra.

Vedtak:

Teknisk drift har vurdert søknaden og vil gje løyve til utvida bruk av eksisterande avkjørsle frå kommunal veg – gbnr 247/15 – for personal bustad med inntil 6 bueiningar på følgjande vilkår:

- Avkjørsle skal være opparbeida slik at den tilfredsstillar tekniske krav til avkjørsle som er fastsett av vegdirektoratet i forskrift av 1964 om «alminnelige regler om bygging og vedlikehold av avkjørsle fra offentlig veg», Veglova §§ 40-43, samt vegnormal N100. Det vert blant anna sett krav til geometrisk utforming av avkjørsle, sikt, svingradius, drenering under avkjørsle og at ein skal kunne snu på eigen grunn.
- Siktzone kan ikkje nyttast til parkering eller hensetting av sikthindringar som er høgare enn 0,5m over kommunalt vegnivå.
- Eksisterande avkjørsle frå geitefjøs og ut i den private vegen skal, som det vart avtala på synfaring og så langt det let seg gjere, snevrast inn slik at den ikkje munnar rett ut i den kommunale vegen slik den gjer i dag. (Forslag ligg i vedlagt skisse).

Post

postmottak@lindas.kommune.no
Dokumentsenteret
Kvernhusmyrane 20, 5914 Isdalstø

Kontakt

www.lindas.kommune.no
Telefon +47 56 37 50 00
Telefaks +47 56 37 50 01

Konto 3201.05.89311
Org.nr. 935 084 733

DER DRAUMAR BLIR RØYNDOM



- Løyve til avkjørsle frå kommunal veg på gbnr 247/10, datert 07.11.2017, vert endra og erstatta av dette løyvet .
- Ytterligere informasjon vedkomande tekniske krav finn ein på www.lovdato.no og www.vegvesen.no

Vi gjer merksam på at løyve til avkjørsle gjeld berre tilknytning til kommunal veg. Bygging/ utbetring av avkjørsle er søknadspliktig tiltak etter plan og bygningslova.

Det er med heimel i Veglova §§ 40-43, forskrift av 1964 om «alminnelige regler om bygging og vedlikehold av avkjørsler fra offentlig veg» og vegnormal N100 at vegmynde skal setje krav til avkjørsler frå offentlig veg. Vi gjer merksam på at løyve berre gjeld i høve Veglova med tilhøyrande regelverk og ikkje dei rettar/privatsrettslege avtaler De har ovanfor eventuelle grunneigarar.

Klage:

Vedtaket kan påklagast til kommunen, jf. lov om offentlig forvaltning. Klagefrist er 3 veker frå den dag De mottok vedtaket. Det er nok at klagen er postlagt innan fristen går ut. Klagen skal sendast til den etat som har gjort vedtaket. I klagen skal det komme fram kva som vert påklaga (vedtaket) og kva endringar De som part ynskjer. Klagen skal grunngjevast.

Vilkår for å reise sak for domstolane om vedtaket:

Partane vert med dette gjort merksam på at søksmål om gildskapen av vedtaket eller krav om erstatning som fylgje av vedtaket, ikkje kan reisast utan at vedkomande part har nytta høve til å klage på vedtaket og at klagen er avgjort av høgaste klageinstans som står open. Søksmål skal likevel i alle tilhøva kunne reisast når det er gått 6 månader frå klagen fyrste gong blei levert, og det ikkje er grunna forsømming frå klagar sin side at klageinstansens avgjerde ikkje ligg føre, jf. forvaltningsloven § 27 b.

Med helsing

Rune Kilen
avdelingsleiar

Irene Wilhelmsen
ingeniør

Dette dokumentet er elektronisk godkjent og har difor ingen signatur.

Vedlegg:

Skisse Dyrkolbotn

Kopi til:

Byggesak

Mottakarar:

Dyrkolbotn Fjellstove og Leirskole